

# 序

及門魏青銚撰汲縣今志成徵序於余余匆匆展閱見其義例整齊頗得體要徵引典核具有根據述沿革人物古蹟各門尤能辨析精嚴訂正嘉慶重修一統志河南通志衛輝府志汲縣志之誤較之假借夸飾以侈風土者相去遠矣晚近習俗陵遲士不悅學故書雅記視同土苴青銚以弱女子生當學風墜陋之世獨能惓惓於鄉邦文獻惟恐失墜潛心物外以成此書其研索之勤攬摭之富為功良不可沒蓋足為辨方經野之資非徒採風問俗而已汲為竹言公

一

土地文物雄視宇內今青銚以汲人而述汲亭文辭斐然成章固知靈秀所鍾初不限於男子青銚其勉乎哉

中華民國二十四年十一月武進顧實揚生甫序

自序

汲縣據山河之隕當冀豫之衝維穀中原屏藩趙魏  
自漢以還為侯國者六十餘年為郡治州治者六七  
百年為路治者約百年為府治者五百餘年為道治  
者十餘年文物之盛聲教之隆風為兩河冠冕其世  
代之興廢吏治之良窳人才之消長風俗之醇漓戶  
口之登耗物力之盈縮縣志言之詳矣顧縣志成於  
乾隆二十年疊經兵燹存書已不易得且其書疏略  
脫誤距今又已一百八十年不啻斷爛朝報稽古識  
今均有所不足取年來雖倡議重修而蒐討未聞殺

一

青無日故家遺俗流風善政將隨陵谷起滅矣夫曰  
徵文獻則墜簡已亡懷舊俗則高年無幾瞻言丘壟  
旌紀寂寥已王秋澗已慨乎其言之於今猶有甚焉  
青鏡自慚末學未能懷鉛提槧訪殊方絕俗之語而  
鄉邦文獻素所究心爰掇拾故典網羅舊聞博覽官  
書綜核近事草成汲縣今志初稿二十章凡四萬言  
述至民國二十四年夏秋間為止其中如沿革人物  
古蹟數章隨文辯證不敢訛以承訛俾世之欲知汲  
縣崖略者或有取焉汲縣宋時屬河北路宋史地理  
志稱曰河北路人性大率氣勇尚義號為強犍土平

而近邊習於戰鬥宋初募置鄉義大修戰備為三關  
置方田以資軍廩契丹數來侵擾人多去本邑今國  
步艱難四郊多壘大河以北苞桑不固遠不遠宋人  
之守圉一旦秋風揚塵塞馬南牧其將何以措拄尤  
不禁廢書三嘆也

中華民國二十四年冬月汲縣宋村魏青銓撰於金  
陵寓樓

凡例

一 汲縣為衛輝府附郭素無專志清康熙間李明經中節始創為附郭考知縣佟國瑞吳干將本之以輯縣志是為舊志乾隆間知縣徐汝瓚復設局纂修成書十四卷是為流傳之汲縣志

二 附郭考及康熙舊志義例不明乾隆志分圖說輿地建置賦役風土爵秩選舉人物藝文雜識各大網闕漏尚多原書凡例已言曰唐謝偃宋賀鑄元王惲為汲邑文苑之望求其遺集竟不可得也又言曰地瘠民貧差繁事蹟備員於此者撫字催科

一

既非易易趨承奔走復不遑寧奚暇奮墨揮鉛從事圖經之役也足見時地所限蒐討未盡


三 方志體裁自以章實齋所論為準本書撮述近事略具規模僅供識小之助故體裁以意為之不拘拘於古人繩墨稱為今志而不稱為新志避與異日間館纂修之官書名稱雷同也

四 書中里數或以里計或以公里計均有所本不加改易冀免失真

五 本人孤陋寡聞率爾操觚未足以言著述尤不敢漫然災梨禍棗因擬求正有道特將初稿付梓以

省鈔錄敬祈

大雅宏遠加以匡糾或賜補充材料俾得再行寫  
定昌勝全禱



汲縣今志目錄

第一章 疆域

第二章 沿革

第三章 地勢及山脈

第四章 河流

第五章 氣候及雨量

第六章 戶口

第七章 風俗

第八章 自治及保甲

第九章 賦稅

第十章 教育

第十一章 交通

第十二章 農政

第十三章 水利

第十四章 農產

第十五章 鑛產


第十六章 工業

第十七章 商業

第十八章 人物

第十九章 名勝及古蹟

第二十章 今昔形勝之變遷



汲縣今志

汲縣宋村魏青銓初稿



第一章 疆域

汲縣在河南省北部居黃河以北太行山以東故為衛輝府治俗仍稱衛輝東至滑縣界四十里至滑縣城一百里西至輝縣界二十里至輝縣城六十里南至延津縣界十五里至延津縣城七十里北至淇縣界二十五里至淇縣城六十里東南至封邱縣城一百里（縣界不毗連）西南至新鄉縣界二十五里至新鄉縣城五十里東北至濬縣界四十里至濬縣

一

城一百十里西北至林縣界一百里至林縣城二百里（註一）距開封省會一百八十里（註二）轄境東西廣八十五里南北袤八十里（註三）面積三千零八十方里（註四）約占河南全省總面積二百十一分之一強以百分率表示之約為百分之〇·四七二（註五）

（註一）里數據衛輝府志較嘉慶重修一統志及汲縣志頗有出入

（註二）亦據衛輝府志與汲縣志及河南省政府所製各縣交通一覽表之里數相符

但嘉慶重修一統志及明史地理志則云一百六十里

(註三) 據汲縣志查衛輝府志係東西六十里南北五十里嘉慶重修一統志則東西八十五里南北四十二里

(註四) 據民國二十二年河南省政府年刊係民政廳依照陸地測量局所繪地圖計算但二十年年刊所載則僅二千六百五十方里同屬官書相差懸殊今以出版在後者為準

二

(註五) 河南全省總面積為六十五萬一千四百九十六方里

## 第二章 沿革

汲縣為禹貢冀州之域殷牧野地周初屬衛戰國屬魏始有汲邑之名秦屬三川郡(郡治洛陽)漢始置汲縣屬河內郡(郡治懷縣在今武陟縣境)旋封公上不害為侯國元光時國除魏屬朝歌郡(郡治朝歌在今濬縣之衛縣集)晉始置汲郡以縣為郡治其後縣廢後魏復置仍屬汲郡(郡治枋頭在今濬縣之淇門鎮)東魏於本縣境內僞置義州及

但嘉慶重修一統志及明史地理志則云一百六十里

(註三) 據汲縣志查衛輝府志係東西六十里南北五十里嘉慶重修一統志則東西八十五里南北四十二里

(註四) 據民國二十二年河南省政府年刊係民政廳依照陸地測量局所繪地圖計算但二十年年刊所載則僅二千六百五十方里同屬官書相差懸殊今以出版在後者為準

二

(註五) 河南全省總面積為六十五萬一千四百九十六方里

## 第二章 沿革

汲縣為禹貢冀州之域殷牧野地周初屬衛戰國屬魏始有汲邑之名秦屬三川郡(郡治洛陽)漢始置汲縣屬河內郡(郡治懷縣在今武陟縣境)旋封公上不害為侯國元光時國除魏屬朝歌郡(郡治朝歌在今濬縣之衛縣集)晉始置汲郡以縣為郡治其後縣廢後魏復置仍屬汲郡(郡治枋頭在今濬縣之淇門鎮)東魏於本縣境內僞置義州及

五城等七郡十九縣北齊志省為伍城郡伍城縣而汲縣之名又廢北周廢郡(註一)以伍城縣屬衛州(州治朝歌今地見上)隋開皇六年復改為汲縣(註二)仍屬衛州(大業初廢州復為汲郡州郡均治衛縣故朝歌也今地見上)唐初復置義州以縣為州治改汲郡為衛州旋義州廢以縣屬衛州(州治衛縣)貞觀元年始移衛州來治五代至宋因之金時遷州治於共城及胙城(註三)元初仍還州治於此嗣為衛輝路治明為衛輝府治清因之民國初曾移河北道治於此

三

縣治溯衛河南岸在東經一百十四度北緯三十五度二十分(註四)古名陳城宋白續通典謂「武王伐紂於此列陳故名」其城垣為東魏所築明正統間甃以磚周六里一百三十步闢門三南曰迎薰西曰眺行北曰拱極萬曆間封潞王於此拓城前面增七百二十二丈計周八里七十步并添闢東門曰賓陽合為四門清代疊有修葺查汲縣自漢至北齊之縣治原在汲城即戰國魏之汲邑及東魏時置義州五城等郡縣寄治於陳城北齊省汲縣入伍城縣隋改伍城縣為汲縣均治陳城於是汲城遂不復

為縣治相沿迄今其遺址在今縣治西南二十五里  
名汲城村青銜謹按嘉慶重修一統志汲縣下註曰  
晉泰始二年置汲郡後廢後魏太和十二年復置  
尋繹文義似廢郡存縣但同書之衛輝府建置沿革  
則無廢郡之文讀史方輿紀要等書又漏無紀載疑  
莫能明及查魏書地形志汲郡汲縣下註曰二漢屬  
河內晉屬後罷太和十二年復置始知係廢縣而非  
廢郡又嘉慶重修一統志衛輝府建置沿革稱曰興  
和二年置義州北齊廢曰註引元和志曰後魏孝靜  
帝於汲縣置義州以處歸附之人曰同書衛輝府古

四

蹟伍城故城下註引魏書地形志備載伍城秦寧新  
安澠池恒農宜陽金門七郡之名而不載十九縣縣  
名讀史方輿紀要汲縣汲城下註作二十八縣秦寧  
復書作義寧及查魏書地形志果有七郡十九縣之  
名但伍城均作五城耳其郡縣名如下義州領郡七  
縣十九五城郡領縣三隰城介休五城秦寧郡領縣  
三秦寧義興邵陽新安郡領縣三西垣新安東垣澠  
池郡領縣三北澠池俱利西新安恒農郡領縣三恒  
農北郊靖宜陽郡領縣三宜陽南澠池金門金門郡  
領縣一北陸又義州下註曰寄治汲郡陳城曰可知

係僑置汲縣境內而非與汲縣同治但嘉慶重修一統志汲縣下註曰於此置義州山文亦稍晦也又同書河南統部表衛輝府下註曰東魏興和二年置州併改郡名山查義州係寄治於汲縣境內其所領各郡縣均無實土此例南北朝時最多不僅義州為然況汲郡仍在乃指為併改郡名尤大謬誤此外如府志縣志譌以承譌殊昧事實故不惜辭費也

(註一) 嘉慶重修一統志及隋書地理志均同  
(註二) 嘉慶重修一統志及隋書地理志均同  
又隋初曾析置隋興縣尋又析置陽源

五

縣大業末廢陽源入隋興唐初廢隋興入汲

(註三) 金大定二十六年以避河患徙郡治於共城尋復故貞祐三年徙治胙城共城今輝縣胙城今在延津縣境

(註四) 據中華郵政輿圖

### 第三章 地勢及山脈

汲縣地勢因有衛河橫貫故可分為南北二部北部山阜蟠結地勢略高南部平疇曠野極目無際綜言之全縣地勢均屬於地文學上之沖積平原也道清

係僑置汲縣境內而非與汲縣同治但嘉慶重修一統志汲縣下註曰於此置義州山文亦稍晦也又同書河南統部表衛輝府下註曰東魏興和二年置州併改郡名山查義州係寄治於汲縣境內其所領各郡縣均無實土此例南北朝時最多不僅義州為然況汲郡仍在乃指為併改郡名尤大謬誤此外如府志縣志譌以承譌殊昧事實故不惜辭費也

(註一) 嘉慶重修一統志及隋書地理志均同  
(註二) 嘉慶重修一統志及隋書地理志均同  
又隋初曾析置隋興縣尋又析置陽源

五

縣大業末廢陽源入隋興唐初廢隋興入汲

(註三) 金大定二十六年以避河患徙郡治於共城尋復故貞祐三年徙治胙城共城今輝縣胙城今在延津縣境

(註四) 據中華郵政輿圖

### 第三章 地勢及山脈

汲縣地勢因有衛河橫貫故可分為南北二部北部山阜蟠結地勢略高南部平疇曠野極目無際綜言之全縣地勢均屬於地文學上之沖積平原也道清

鐵路線以南一帶為黃河故道沙磧茫茫尚多未墾縱橫四顧幾疑置身塞上

河南全省山脈在黃河以南者屬於秦嶺山脈在黃河以北者屬於太行山脈太行山脈為陰山餘脈綿亙千餘里經故懷慶衛輝彰德三府西北而入河北省境為河南山西河北天然界線其間峯巒起伏隨地異名在汲縣境內者如霖落山壇山蒼峪山等皆太行支脈所凝結

#### 第四章 河流

汲縣境內河流以衛河為主其他如蒼河清水河孟

六

姜女河太公泉等涓涓小流不足齒數至黃河沁河早不流經縣境但故道尚存且後人常有導黃入衛引沁入衛之議仍與汲縣有關茲特分述如次

#### 第一節 衛河

衛河源出輝縣西蘇門山百泉東南流入新鄉縣界納小丹河其流始盛又東入汲縣界經縣城之北而東又東北經淇縣與淇河合流東北至濬縣城西又東北經滑縣內黃界受漳洹二河至山東之臨清會於運河北流至大沽入海百泉一名擗刀泉魏書地形志所謂曰共有柏門水也隋煬帝引之為永

鐵路線以南一帶為黃河故道沙磧茫茫尚多未墾縱橫四顧幾疑置身塞上

河南全省山脈在黃河以南者屬於秦嶺山脈在黃河以北者屬於太行山脈太行山脈為陰山餘脈綿亙千餘里經故懷慶衛輝彰德三府西北而入河北省境為河南山西河北天然界線其間峯巒起伏隨地異名在汲縣境內者如霖落山壇山蒼峪山等皆太行支脈所凝結

#### 第四章 河流

汲縣境內河流以衛河為主其他如蒼河清水河孟

六

姜女河太公泉等涓涓小流不足齒數至黃河沁河早不流經縣境但故道尚存且後人常有導黃入衛引沁入衛之議仍與汲縣有關茲特分述如次

#### 第一節 衛河

衛河源出輝縣西蘇門山百泉東南流入新鄉縣界納小丹河其流始盛又東入汲縣界經縣城之北而東又東北經淇縣與淇河合流東北至濬縣城西又東北經滑縣內黃界受漳洹二河至山東之臨清會於運河北流至大沽入海百泉一名擲刀泉魏書地形志所謂曰共有柏門水也隋煬帝引之為永

濟渠亦曰御河今縣人仍稱御河或運糧河而衛河之名轉晦

## 第二節 蒼河

蒼河源出淇縣管家井東南流至汲縣經蒼峪口潛入地中又東南復出至道光店合清水河故蒼河有清水河之名

## 第三節 清水河

清水河源出道光店東兩源合派南流至閻屯之南合於衛河

## 第四節 孟姜女河

孟姜女河即沁河故道自新鄉縣西南任旺村白水坡折而東北由延津界西馬村達汲縣之焦家莊由小白石橋入衛河本屬平坡上遊水流冲刷遂成河形冬春無水每遇夏秋霖潦水流即奔騰灌注為衛河之害

## 第五節 太公泉

太公泉在汲縣西北二十五里太公廟東其水行十餘里伏流入地至此乃潴為小潭

## 第六節 黃河

黃河在宋以前循鞏縣汜水河陰滎澤等縣而東北